

Diiktiraf sekolah angkat FSSG Unisza

SINAR HARIAN
14/10/2015



Yahaya (depan, tiga kiri) bergambar kenangan dengan warga SMK Padang Kemunting.

GONG BADAQ - Sekolah Menengah Kebangsaan (SMK) Padang Kemunting diiktiraf sebagai Sekolah Angkat Fakulti Sains Sosial Gunaan (FSSG) Universiti Sultan Zainal Abidin (Unisza).

Naib Canselor Unisza, Prof Datuk Dr. Yahaya Ibrahim berkata, pihak Unisza sememangnya berhasrat untuk menjadikan sekolah-sekolah di daerah Kuala Nerus sebagai sekolah yang dapat dibantu dari sudut akademik, pembangunan diri, kemahiran, sukan dan kebudayaan.

"Malah, dengan adanya program ini, secara tidak langsung mampu memberi pendedahan kepada pelajar yang akan menduduki Sijil Pelajaran Malaysia (SPM), selain mewujudkan hubungan yang baik antara pihak sekolah dengan mahasiswa, selari dengan konsep Unisza sebagai universiti komuniti," katanya.

Beliau berkata demikian Pada Majlis Pengiktirafan SMK Padang Kemunting sebagai sekolah angkat

FSSS dan Program Sinergi Remaja Harapan, di Dewan Perdana, di sini.

Program yang disertai 100 pelajar dan 100 ibu bapa itu adalah sebagai ko-laborasi akademik di samping mempromosikan Unisza kepada pihak sekolah berserta komuniti di luar kampus.

Jelas Yahaya, melalui kerjasama dua institusi besar itu, ia akan memberi pendedahan awal kepada pelajar dengan suasananya di universiti, sekaligus membina jati diri mahasiswa supaya lebih maju dan bertepatan dengan hasrat kerajaan negeri dalam merencanakan agenda transformasi pendidikan ke arah menjayakan Transformasi Terengganu Baharu (TTB).

JOM SOLAT	
KUALA NERUS	
SUBUH	5:37
SYURUK	6:53
ZOHOR	12:56
ASAR	4:12
MAGHRIB	6:55
ISYAK	8:05